



Universitätsbibliothek Paderborn

**Disputationes|| ROBERTI BELLAR-||MINI E SOCIETATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

De|| EXTREMA VNCTIO-||NE, ORDINE, ET MATRI-||MONIO.|| SINGVLIS LIBRIS
EX-||PLICATA.||

Bellarmino, Roberto Francesco Romolo <Heiliger>

Ingolstadii, [1599]

VD16 B 1607

II. Probatur ex Scripturis, Vnctionem infirmorum esse Sacramentum
propriè dictum.

[urn:nbn:de:hbz:466:1-54104](https://nbn-resolving.de/urn:nbn:de:hbz:466:1-54104)

6 Cap. II. De Extrema vunctione. Lib. I.

Hos imitantur hæretici huius temporis. Lutherus in libro de captiuitate Babyl. cap. de Extrema vunctione, non reicit hunc ritum, tamen negat Sacramentum esse propriè dictum. Calvinus lib. 4. Instit. cap. 19. §. 18. 19. 20. & 21. & Kemnitus in 2. part. Examin. à pag. 1102. usque ad 1135. non solum Sacramentum esse negant, sed etiam irrident more suo. Idem facit Melanchthon in locis, tit. de Vnctione. Idem facit etiam Ioan. Brentius in Confess. Wirtemberg. cap. de Extremavntione, & Magdeburgenses Centur. 7. & sequentibus, cap. 6. de ritu visitationis infirmorum.

Ecclesia vero Catholica palam affirmat, Vnctionem extream Sacramentum esse verè ac propriè dictum. Id enim expressè habent Concil. Florent. in instructione Armenorum, & Trident. sessione 14. can. 1. de Extrema vunctione, & omnes Theologi, lib. 4. sentent. dist. 23. Potest autem hæc veritas tribus argumentis probari. PRIMO, ex Scripturis. SECUNDO, ex traditione Ecclesiastica. TERTIO, ex ratione.

CAPUT SECUNDUM.

Probatur ex Scripturis Vnctionem infirmorum
esse Sacramentum propriè dictum.



Vnde attinet ad PRIMUM: duæ Scripturæ profertur ab omnibus, una ex cap. 6. Marci, altera ex cap. 5. Iacobi.

De PRIORE non omnes conueniunt, an cum Apostoli vngabant oleo infirmos, & curabant; illa fuerit vntio sacramentalis, de qua nunc disputamus: an solum fuerit figura quædam, & adumbratio huius Sacramenti. Qui tentent PRIMUM sententiam, ut Thom. Wald. loco citato, & Alphonsus de Castro lib. de hæresibus, verbo Extremavntio, ea ratione ducuntur, quod Beda, Theophyl. & Oecumenius in commentariis Marci, & Iac. videantur dicere eandem esse vunctionem, cuius sit mentio in utroque loco. Sed probabilior est sententia POSTERIOR, quæ est Ruardi in explicatione art. 11. & Iansenij in cap. 6. Marci, & Domini ci à Soto. dist. 23. q. 1. art. 1. & aliorum. Et mihi certè eo etiam nomine gratior, quod videam Lutherum, Calvinum, & Kemnitum

nitum locis citatis esse in priore opinione: existimant enim illi eandem esse vunctionem, Marc. 6. & Iac. 5.

Probo igitur breuiter sententiam posteriorem. PRIMO illavntio, qua vrebantur Apostoli, referebatur solùm aut præcipue ad curationem morbi corporalis, vt ex eo loco patet, vnde etiam sanabantur omnes, qui tum inungebantur: Sacraenta autem per se ad animam pertinent, ad corpus per accidens, aut certè secundariò.

Deinde SECUNDUM, Apostoli eo tempore nondum erant sacerdotes: & quamuis potuerit Christus etiam per non sacerdotes Sacraenta conferre, tamen non est probabile eum hoc fecisse, nec legimus id vñquam factum in Sacraentis magis necessariis, vt in Sacramento Pœnitentiæ, vel Eucharistia. Neque obstat quod Apostoli baptizarunt, cùm nondum essent sacerdotes: nam non ita est de essentia Baptismi, vt minister sit sacerdos, sicut de essentia Vnctionis. Nam si laicus baptizet, etiam extra necessitatem, Baptismus est ratus: non autem est rata Vnctio, si laicus inungat. Quod autem Apostoli nondum fuerint eo tempore sacerdotes, patet, quia facti fuerunt in ultima cœna, vt docet Concilium Tridentinum, sess. 22. cap. 1.

Accedit TERTIO, quod Apostoli tunc promiscuè vngabant quoslibet ægrotos, vt cæcos, claudos, &c. at Sacramentum vunctionis, non datur nisi iis, qui decumbunt cum periculo vitæ, vt omnes concedunt.

Item QUARTO, Apostoli tunc cùm inungerent, non querebant, essentia baptizati, qui inungendi erant, & omnino probabile est multos ab eis inunctos, qui infideles erant; At certè sine Baptismo nihil profundunt Sacraenta cetera, nec dari possunt aut debent non baptizatis sine peccato. Nec valet quod quidam obiiciunt, Cornelio datam Confirmationem ante Baptismum, Actor. 10. Deo videlicet in hac re dispensante. Nam Cornelius non habuit Sacramentum Confirmationis ante Baptismum, sed effectum Sacramenti Confirmationis ab ipso Deo immediatè sine Sacramento.

DENIQUE, Trident. Concil. sess. 14. can. 1. de Extrema vunctione, dicit hoc Sacramentum insinuatum Marci 6. Dicitur autem insinuari id, quod non expressè proponitur, sed adumbratur, & obscurè indicatur. Et hoc eodem modo intelligi

8 Cap. II. De Extrema vñctione. Lib. I.

gendi sunt veteres, qui locum Marc. 6. coniungunt cum loco Iacob. 5. significant enim uno in loco iacta esse fundamentum eius Sacramenti, quod in altero loco expressè proponitur. Quemadmodum enim cùm Matth. 19. & alibi Christus manus imponit, non dicimus tunc instituisse Sacramentum Confirmationis, aut Ordinationis, sed tamen agnoscimus adumbrationem quandam Sacramenti postea futuri: sic etiam quòd Dominus iussit Apostolos oleo curare infirmos, & non alia aliqua re, intelligimus significatum esse, futurum fuisse aliquando tempus, vt oleum esset Sacramentum infirmorum.

Veniamus nunc ad ALTERVM locum. IACOBI 5. italigimus: *Infirmitur quis in vobis? inducat presbyteros Ecclesiae, & orent super eum, ungentes eum oleo in nomine Domini, & oratio fidei saluabit infirmum, & alleuabit eum Dominus, & si in peccatis sit, remittentur ei.* Hic habemus omnia, quæ ad Sacramenti essentiam requiruntur, videlicet symbolum externum, promissionem gratiæ, & diuinam institutionem: hæc enim tria, vt supra diximus in prima controvèrsia de Confirmatione, aduersarij requirunt. Symbolum externum est vñctio olei cum oratione fidei; promissio vero, alleuatio infirmi, & remissio peccatorum. Institutio autem colligitur ex hac tam constanti promissione Apostoli: neque enim Apostolus tam constanter, & absolute id promitteret, nisi Dominus id instituisset, & mandasset. Itaque Apostolus Iacobus non instituit Sacramentum, sed hortatur ad illud suscipiendum quod à Domino nouerat institutum.

Quia verò Kemnitius in 2. parte Exam. pag. 41. & 42. requirit alia quinque, licet tria prædicta sint præcipua; ostendamus illa etiam reperiri in Vnctione extrema. Ille igitur PRIMO requirit præter tria prædicta, vt ritus mandatus sit in novo Testamento; vt distinguatur à cæremoniis Testamenti veteris. Id verò hoc loco manifestè cernimus, cùm constet Iacobi epistolam esse librum Testamenti noui: & præterea talis ritus non fuerit in Testamento veteri.

SECUNDO requirit, vt ritus non ad breue tempus duret, sed perpetuus sit. Id quoque habemus in illis verbis: *Infirmitur quis in vobis.* inde enim colligimus tamdiu duratum hunc ritum, quamdiu in Ecclesia erunt ægroti.

TERTIO

TERTIO requirit, ut promissio gratiae sit annexa, & quasi vestita symbolo, ita ut intelligatur dari gratia, cum symbolum externum exhibetur, id quod Kemnitius ponit contra Caluinistas, qui volunt Sacraenta esse symbola præteritæ, & iam olim acceptæ gratiae. Id vero hoc loco habemus, ut patet, dicitur enim: *Vngentes eum in nomine Domini, et alleluabit eum Dominus, et si in peccatis fuerit, et c.* planè ad eum modum, quo dicitur de Baptismo, Marc. vlt. *Qui creditur, et baptizatus fuerit, saluus erit.*

QUARTO requirit, ut illa promissio non sit cuiuslibet gratiae, sed remissionis peccatorum: id vero expressè hic habetur: *Si in peccatis fuerit, remittentur ei.*

QVINTO requirit, ut non sit tantum promissio generalis, sed etiam applicetur in particulari ei, qui Sacramentum percipit. Et hoc etiam habemus; nam in particulari dicitur: *Vngentes eum, et c.*

CAPUT TERTIVM.

Refelluntur hæreticorum solutiones ad Scripturam citatam.

AD hoc argumentum quatuor solutiones ab hæreticis dari solent. **P**RIMA est, epistolam illam non esse Canonicam, nec à spiritu Apostolico profectam. Ita Lutherus loco citato, cui assentitur Kemnitius pag. 111, vbi dicit hanc epistolam non esse tantæ auctoritatis, ut possit sine testimonii Scripturæ Canonice, Sacraenta instituere. Et probat ex HIERONYMO, qui annotauit in lib. de scriptoribus Ecclesiasticis in Iacobo, veteres iudicasse non esse epistolam illam à Iacobo Apostolo scriptam, & ex EUSEBIO lib. 3. hist. cap. 23. qui de illa sic ait: *Sciendum est voce utrum id est, quod nota sit.*

At hæc **P**RIMA solutio est refugium miserorum. Nam omnes veteres, qui catalogos scripserunt sacrorum librorum, hanc epistolam cum ceteris numerarunt, ut patet ex Clemente can. vlt. Apostolorum, ex Innocentio I. epist. 3. & Gelasio I. in Concilio LXX. Episcoporum. **I**TEM ex Concilio Laodiceno, can. vlt. Carthaginensi III. can. 47. Florentino